

علي بن مطلق الفغم

الشيخ علي الفغم من الصهبة من مطير، شاعر قال هذه القصيدة عندما حصل بعض خلاف بين الصهبة والدوشان، وارسلها إلى امير الدوشان ورد عليه الشيخ: دعسان بن خطاب الدويش نيابة عن الأمير وانتهت الخلاف على غرار هالقصيدتان بين الطرفان.

ياشيخنا يازبن يابسين الارياق^(١)
الى صدروهن عقب وردن مقافي
السيف الايمن لا تبيعه بالانفاق^(٢)
اللي الى جاله مجالن يشافي
احما وشل خملات ربعك بالاشفاق
هذي علوم كل ابوها عوافي
اللي يشيل الشيل يبرك للاعلاق
اصخر لنا وأنصح لنا بالنصافي
بالك علينا لا يفويك مزراق
اللي نهار المعركة ما يشافي

(١) ياشيخنا : يعني الدويش.

(٢) السيف الايمن: يقصد فخذ الصهبة.

وترى الجمل ماشال حمله ولانساق
لين الولايا ينطحن الضلافي

وحنا كما درعن على المتن مابق
تدقبننا حربة عدون مشافي

وحنا الى قالوا على الصلب براق
تفرحبنا جرد العشير الصخافي

كم عزبتن نودع جنبها له أدناق
الى شب ضوالحرب خطوالسنافي

كم سابقن منا تعركز على ساق
من ضرب حذب أمبرمات القوافي

